



UNIVERSITÄTS-  
BIBLIOTHEK  
PADERBORN

# **Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

16. De deposito

---

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

**Q. 5.** *Ex contractu commodati qualis competit actio? Resp.* Duplex: *directa* datur commodatario ejusque hæredibus adversus commodatarium ejusque hæredes ad rem commodatam restitutam finito usu, integram & salvam, aut si fuerit perdita, ad ejus æstimationem; si deteriorata, ad interesse. *L. 3. §. 1. L. 5. §. 8. L. 13. §. 1. L. 14. §. 3. ff. h. t.* Possunt & aliæ actiones commodatario competere, v. g. *actio furti*, ut habetur *L. 1. §. 6. ff. h. t.* *Actio Legis Aquilia*, si commodatarius rem deterioravit. *L. 18. §. 1. ff. h. t.* Item *actio vindicatio*, juxta *L. 9. in fin. ff. de R. V.* Commodatario & ejus hæredibus datur *actio contraria* contra commodantem & ejus hæredes, ad id quod suâ interest, re ante usum revocata; ad recuperandas etiam expensas in rem commodatam factas; & ad damnum vitio rei commodate datum reparandum. Quod insuper commodatarius, si res commodata per aliquam etiam suam culpam interiit, per compensationem debiti liquidi, quo sibi aliunde commodans est obstrictus, possit satisfacere, latè habet Pichler in Opere suo novo cui Tit. *Jus Canonicum practicè explicatum. b. t. Q. 1.*

## TITULUS XVI.

### De Deposito.

**Q. 1.** *Quid & quotuplex sit depositum? Resp.* Est contractus realis, quo res alicui gratis custodienda traditur, ut eadem in specie reddatur deponenti, quandocumque repetierit. Requiritur...

itaque 1. rei traditionem, juxta §. 3. *Inst. quib. mod. re contrah. oblig.* 2. Consensum utriusque; vide tamen Schmalzgr. *h. t. n. 7.* 3. Ut gratis & sine mercede custodiatur, aliàs non est depositum purè tale, sed potiùs locatio, aut alius contractus innominatus. *L. 1. §. 8. & seq. ff. h. t.* 4. Ut res custodia causà detur, per quod differt à mutuo, commodato, pignore &c.

*Resp. 2.* Depositum, conventionale scil. & in specie (de sequestro actum est ad *L. 2. Tit. 17.*) aliud est voluntarium seu ordinarium; aliud extraordinarium seu miserabile, ad quod cogit necessitas; aliud regulare, irregulare aliud &c.

*Q. 2. Quæ res & à quibus deponi possint? Resp.* ad 1. Deponi possunt res omnes, quæ custodiam recipiunt: propriæ & alienæ. *L. 1. §. 39. L. 31. §. 1. ff. h. t. pignus & depositum. L. 16. ff. h. t. res mobiles & immobiles. L. 11. ff. de peric. & comm. rei vend.* non tamen res depositarii propria apud ipsum depositarium. *L. 15. L. 31. in fin. ff. h. t.* nec quæ deposito accedunt, censentur deposita *L. 1. §. 5. ff. h. t.* cistâ tamen obsignatâ deposita singulæ res inclusæ, licet non fuerint monstratæ depositario, depositæ censentur. *L. 1. §. 41. ff. h. t.*

*Resp. ad 2.* Deponere & depositum recipere possunt omnes rationis & obligationis subeundæ capaces; etiam foeminæ. *L. 26. ff. h. t.* item pupillus & Minor, etiam absque autoritate Tutoris & Curatoris, ubi tamen notanda *L. 1. §. 15. ff. h. t.* Imo & Religiosus, cujus tamen si dolo aut culpâ periret depositum, nec Prælati & Capi-

tulum, sine quorum consensu id receptum, nec Monasterium ad restitutionem tenetur. *c. 1. h. t. reg. 76. in 6. Schmalzgr. h. n. 13. & 14.*

*Q. 3. Ad quid obligentur deponens & depositarius? Resp. 1.* Deponens debet depositarium servare indemnem; adeoque refundere expensas necessarias in rem depositam factas. *L. 12. pr. L. 23. ff. h. t. & damnum dolo ac quavis suâ culpâ datum resarcire. arg. L. 5. §. 5. ff. Commod.*

*Resp. 2.* Depositarius tenetur 1. in re depositâ eam adhibere diligentiam, quam solet in rebus suis. *c. 2. §. & L. 32. ff. h. t. non majorem cit. L. 32. neque, si foret diligentissimus in rebus propriis, obligatur diligentissimus esse in custodiendis rebus depositis. arg. cit. L. 32. & L. 5. §. 5. ff. Commod. neque tenetur depositarius in communi periculo, v. g. incendiî &c. si nequit salvare rem propriam & alienam, præ propria rem depositam servare, si vel res propria sit pretiosior depositâ, vel depositum in solius deponentis commodum cedat. Vid. Franz. ad Tit. Inst. quib. mod. re contrah. obl. à num. 25. 2. Non licet depositario re depositâ uti sine expresso aut tacito vel rationabiliter præsumpto consensu; aliàs furtum committit. *L. 29. ff. h. t. §. 6. Inst. de oblig. qua ex del. 3. Tenetur regulariter depositarius præstare dolum. L. 20. ff. h. t. & culpam latam tantum, quæ in contractibus æquiparatur dolo. L. 32. ff. h. t. imò dolus præsumptus vocatur *L. 226. ff. de V. S. non verò culpam levem vel levissimam. §. 3. Inst. quib. mod. re contrah. oblig. L. 1. §. 5. ff. de O. & A.***

multò

multo minus casum fortuitum. *c. 2. h. t. L. 1. §. 35.*  
*ff. eod.* Casus exceptos vide in. *L. 1. §. 6. §. 8. §.*  
*35. ff. h. t. L. 12. §. fin. ff. eod. c. fin. §. eod. L. 1.*  
*& seq. ff. nautæ, caupones & c. latius apud Engel h. à*  
*n. 5. Schmalzgr. à n. 22. Reiffenst. n. 25. & seq.*  
*Leur. Q. 226. h. t. 4. Tenetur depositarius rem*  
*depositam reddere integram, & quidem, nisi quid*  
*excuset, statim, dum repetit deponens. L. 1. §. 16.*  
*& 22. ff. h. t. Leur. Q. 229. h. t. ait, Clericum*  
*quoad executionem à laica potestate cogi non*  
*posse ad restituendum depositum. & c.*

*Q. 4. Qualis competat actio ex deposito? Resp. 1.*  
*Deponenti directa adversus depositarium ad rem*  
*depositam recuperandam. §. 3. Inst. quib. mod. re*  
*contrah. obl. qualis hæc sit actio, vide apud Lauter-*  
*bach. h. n. 20. quomodo competat contra plures*  
*depositarios, n. 25. quomodo contra hæredem,*  
*n. 27. ubi scil. n. 29. & seq. de objecto hujus actio-*  
*nis agit, quod sunt res depositæ, cum fructibus &*  
*omni causâ restituendæ & c.*

*Resp. 2. Depositario competit actio depositi con-*  
*traria adversus deponentem ad indemnitate[m] no-*  
*mine depositi ab eo consequendam, & conse-*  
*quenter ad omne id, quod nomine seu occasione*  
*depositi depositario abest, cit. L. 5.*

## TITULUS XVII.

### De Emptione & Venditione.

*Q. 1. Quid & quotuplex sit Emptio - Venditio?*

*Resp. 1. Est contractus solo consensu initus*  
*de*